

◎稟告生子

父親大人膝下，敬稟者：本月二十三日接奉手諭並幣壹百圓，敬悉

福躬康泰，政通人和，殊慰孺慕。男前接校中通告，知於二月八日開學，比卽稟知母親，於六日啓程來寧，一路平安，現已開課多日，潛心受課，堪慰

慈懷。昨接男婦函，知於元宵節產一雄，○體格肥碩，啼聲洪大，婦體亦健，母親欣喜逾常，此乃吾祖先及堂上德澤深遠所致，男惟有發奮讀書，力求上進，以期仰報祖德耳。吾家自去年以來，

大人陞遷，大兄登第，男入大學，今又得子，皆可喜事也，亟奉稟以博大人一粲。重肅恭叩

喜安。

男冠羣謹上二月十五日

○一雄羽族之屬陽性者爲雄，今借以喻男子也。

◎稟告祖父病重

父親大人膝下自

大人赴平，忽已改歲，

祖父飲酒賦詩，興會甚豪，扶筇游山，亦無老態，古歷新正五日。贊卿舅父遺輿來迎，盤桓兩日，歸途暮夜，偶受蹉跌，翌日即感不適，延醫診治，謂年高驚跌，內臟受傷，恐有危險，所以遲遲至今，不敢遽告。

大人者，恐勞驚念也，現時逾兼旬，日益沈重，昨於多日昏迷不醒之餘，忽連呼大人名字，並云速來見我，家人聞之均謂恐非佳象，祇得據實馳告，惟願天相吉人，轉危爲安，斯乃如天之福耳。專此飛稟，恭叩

○兼旬旬，即兩旬也。

◎稟告母病已痊

父親大人膝下，敬稟者：母親之病自延蔣醫診治後，日有起色，曾詳第二號家書中，計早達覽。頃奉

手諭，有殊切憂慮擬假歸一視之語，豈尙未閱及耶？母親病勢確見減退，現在已停進湯藥，日食稀粥兩次，每次一碗，姨母來時，並能倚枕絮談，但未克行動如常耳，

大人假歸之訊亦曾告知，母親甚爲不歡，謂婦人之病私事也，國家政事公務也，詎得以私而害公耶，並囑函阻

大人之行，特此奉稟，伏祈
嘉納爲幸。餘俟續陳，專叩

福安。

男宗海謹稟三月七日

◎教子擇交節游

琴兒覽悉接汝八日來函，知汝身體甚好，且能發奮讀書，余心甚喜。惟友朋衆多，交際紛繁，一語閱之頗滋疑慮。夫獨學而無友，則孤陋而寡聞，此重交之說也。坐井觀天，[○]一孔之見，此尙游之說也。汝正當青年時代，余豈教汝息交絕游[○]哉？所慮者，擇交不慎，貽害終身，故杜漸防微，不得不特別注意耳。仲尼以毋友不如己者爲誠，古語亦謂蓬生麻中，不扶自直，白沙在泥，與之俱黑，誠以近朱者赤，近墨者黑，事勢如此，物理亦然。汝若與佻達[○]者流頻頻過從，則學業日荒，德性日墮，名譽損失，身亦隨之，可不懼哉！故非品性端方，沈潛好學之人，慎勿濫與交游，惟奇采高文，則有裨於學問，忠言讜論，則有益於身心，倘能朝夕觀摩，庶品德學業自能日進不已。星

日晏日，或游覽名勝，藉石陶鑄，或評論詩文，共破沈寂，何樂如之？慎勿納交損友，醉

心繁華，致自貽伊戚也。書不盡意，凜之毋忽。

四月二十日父字

○坐井觀天 喻跼蹐一隅，見聞不廣也。

○息交絕游 見陶淵明歸去來辭，謂杜門卻掃，不與世接也。

○佻達 謂浮薄少年也。

附復書

父親大人膝下頃奉

賜諭，深慰孺慕，承

大人以擇交節游之道，諄諄誥誠，惶悚曷已。男自入都以來，甫閱兩月，所有交游近況，謹爲

大人約略陳之：校中功課繁重，日間聽講，入夜則整理筆記，略無餘閒，殊以爲苦。前函友朋衆多，交際紛繁云云，正卽所謂不能耐之語氣也，蓋入學試驗，男以第一人及格，已引起同學注意，入校後，又屢受師長獎飾，故同人或以詩文就正，或作學理研討，脣焦舌敝，苦不勝言，拒之則情有難安，應之則日不暇給，實則除舊日同學外，並無新交，至於此間名勝，本極繁多，僅一游明孝陵北極閣莫愁湖秦淮河等處而已，或則發

訪古之幽情，或則觸憂時之懷抱，三五同志，疊唱聯吟，已覺極暢敍之樂事，近頃交游，亦僅此耳。大人愛子心切，教子情殷，無所不用其極，男非木石，寧不知感，惟有凜有則改之無則加勉之旨而已，伏求大人寬懷，庶可稍減男之罪戾也。肅此奉復，敬叩

福安。

男琴舫謹上五月二日

◎諭子孝事祖父母

國斌收閱前接來函，知汝身體尙好，學校成績亦佳，余心甚慰。惟無一語題及重闈，方疑慮間，適奉

祖父手諭，知汝常不到家，卽偶然歸來，只聞音聲，難見顏色，聞之殊深駭怪。我宦海奔馳，欲歸不得，未能朝夕承懽，時深疚恨，所幸汝已成年，學校距家庭密邇，正當偷趁餘閒，親承色笑。○胡乃久久不歸，歸亦不一瞻仰耶。且汝幼時祖父母鍾愛特甚，期望亦至厚，於情於理，亦應曲體歡心，稍酬含飴。○之報，幸勿以

舊學高年詞嚴義正遂生畏避之心也汝其念哉至囑至囑

五月八日父手示

○密邇邇，近也，密邇○親承色笑色笑，顏色笑言也○含飴含甘飴弄孫爲樂也。

○囑子善視其弟之疾

效兒知悉：前接汝信，知汝弟病逐漸減輕，甚慰。昨得彬儒姪函，據云病仍未愈，而汝高吟低諷，與病人之呻吟聲互相唱和，聞之甚覺不安。夫疾病相扶持，古來同井。○之人，尙能休戚相關若此，矧其爲同父母者耶？汝能壹意讀書，屏絕娛樂，吾寧不喜，但吾輩讀書，究爲何事，無非宏民胞物與○之懷，講福國利民之道耳，乃並同胞一體之疾病痛苦猶漠然無關，是則輕重緩急，未免顛倒，抑何悖也。究竟汝弟病勢如何？尙在服藥否？服藥見效否？汝務須細心體察，加意護持，萬勿徒以功課緊要，遂置不問不聞也。切囑！切囑！至要！至要！並望立即寄覆，藉免懸懸順詢。近好。

八月三日父字

○同井古行井田制，鄉田同井，蓋居住鄰近也。

○民胞物與語本「民吾同胞」，物吾同與，言其胸懷博大愛及萬類也，見宋張載東西銘。

○諭子周濟貧乏戚族

純兒覽比常接鄉人書，知去歲旱災奇重，十室九空，薇蕨俱無，嗷嗷待哺，朝不保暮，言之甚慘，聞之泣然。古人民飢已飢，民溺已溺，視天下有一夫不獲，若己推而內之溝中，大丈夫正不可無此懷抱，所恨心餘力絀，事實又一問題耳，天災如此，我輩要當存救人之心，能節一分錢財，即可延飢民一日之生命，由近及遠，推親及疏，其力雖微，聊盡心責。汝等在家，見聞較切，家族親戚中，如有貧乏不能舉火者，必量爲資助。總而言之，寧可自家有未及果腹之感，要不可坐視人家絕糧也。汝其善體斯意，斟酌圖之！

◎教子尊師敬友

守兒覽悉。首都爲人文薈萃之區，汝游學其間，足以交天下名師益友，甚盛事也。方今道喪文敝，師友之不見重於時，蓋亦甚矣。每見學校生徒，覲面則勉稱老師，背後則呼以譚名。[○]或竟掉頭不顧，旁若無人，或則領首相看，卽爲盡禮，尚足與言傳道授業解惑哉。至於交友之道，亦應遵循正軌，或相與切磋文章，或藉以琢磨道德，而今則狡猾者倚朋儕爲工具，庸懦者乃自甘於傀儡，尙何友道之足云乎。吾家累世讀書，尊師重友，鄉黨所稱，萬不可俯仰隨人，沾染惡習，以致學業日損，並隳厥家聲也。故於師則當秉龜山立雪[○]之精神，於友則宜抱平仲[○]久敬之主義，斯德日裕而道日增，學亦卽日進於高明矣。汝其善體斯言，毋荒毋怠，是爲至囑！

慕韓手書四月五日

○譚名

戲弄之詞，俗言綽號也。

○龜山立雪

楊時侍程伊川先生，伊川倦而假寐，天方雪，比醒出門，門外已雪深三尺矣。

○平仲

平仲論語「晏平仲善與

人交，久而
敬之。」

◎囑子利用閒暇整理田園

劍兒知悉：前由湘垣首途時，曾寄一函，計已遞到。歲莫天寒，孤身作客，本非所堪，當道之命義不可辭，兼之此行于役衡永，專爲查禁烟苗任務，烟毒害國，最所痛恨，得目擊而清除之，固所願也。連朝釀雪，朔風苦寒，逆旅孤燈，輒縈鄉夢，計學校已放寒假，汝歸自寧，汝弟歸自潯，一家圍爐，自有樂趣。但佃風疲玩，租欠必多，務須飭工勤催嚴索，以實倉儲，一家生活，仍恃讀書種田兩項較有把握，毋以我投身宦海，有便宜錢供揮霍也。園林花木，煞費經營，時刻在念，畏寒者用草包裹，怯風者用椿維護，一仿我往年成法爲之，不可大意，至要！至要！

一月十日父寫於永州旅次

遙知汝輩歸來日，傍母攜兒一笑嘆。先遣羣奴納倉穀，後呼弱婢灌園花。遠香亭角梅初放，眞意樓頭月正華。卻憶湖湘千里外，有人留滯未還家。

連日陰雲雪未成，客心珍重望新晴。漸催驛路官梅訊，預怯千家爆竹聲。僮僕淒涼怨行役，江湖重疊數歸程。荒城更有譙樓鼓，一夜催人白髮生。

◎命子爲祖母購狐裘

祥兒收閱屢次來函，均已收到，人事不爽，手痛又發，故未復也，附寄食品，亦經照收，並恭獻堂上，據祖母云：近來食慾一大變，從前所甘之如飴者，今則味同嚼蠟，二零星食物仍以少寄爲宜。此間氣候殊寒，入冬已三見飛雪，南湖冰凍，旬日不解，腳踏車往來如織，洵屬奇觀，祖母素不畏冷，今則朔風怒吹，輒作戰慄之狀，因聞北平皮貨物美價廉，汝可爲祖母精選狐裘一件，總以毛色光澤而尺碼寬大者爲佳，汝於諸孫中最受鍾愛，若能購回，祖母自必益覺稱體而寬懷矣。幸勿延誤，

是爲至囑！

十二月二十八日父書

○食慾卽對於食物之嗜好也。

○味同嚼蠟卽索然無味之意。

◎囑子應守婚約

景兒覽悉：履冰自汝岳家來，述汝岳父言，余殊愕怪，及細詢顛末，則云汝曾去函悔婚，汝岳爲之叫罵竟夕，汝妻則哀感哭泣，至今不食，汝果有此荒唐事耶？汝反對之理由，究竟安在，論年齡則相等也，論品貌則明秀也，論性情則和淑也，論學力則汝方入大學，彼亦高中行將畢業也，又安見不足與汝相匹配哉？若嫌此女不便佞，不摩登，則吾曾與汝母言，我輩老拙，實耳不願聞頽靡之聲，目不願覩妖冶之飾，寧許此等妖物入吾庭戶耶？且訂約時爲汝母與汝岳母合議，今汝岳母已作古人，尤不應中途變悔，否則人將謂我輩爲何如人，卽以幸福論，此女將來亦不難爲賢妻。

良母也汝慎思之并卽覆我此囑

十一月十五日父書

○便佞論語「友便佞，」便佞謂習於口語之人也。

◎諭女當遵從母訓

蕙女知悉：前接汝母函，知汝言論迥異從前，雖加誥誠，聽之藐藐，[○]嘗謂過去人物未足以指導新青年云云，接閱之下，不勝驚歎。我離家來蜀，甫兩載耳，當日趨庭[○]詠絮，[○]固不愧璇闕娟靜女也，何竟一變至於如斯耶！汝母國學夙有根柢，余且引爲益友，卽論學校教育，亦曾受過多年，惡得以迂腐目之，凡有訓誨，均宜接受，汝在校宜潛心向學，切戒紛馳，最好每日課餘仍寫日記，藉以約束身心，汝試爲之，並常寄閱爲囑！

七月十六日父手書

○聽之藐藐 詩經「誨爾諱諱，聽之藐藐」。輕忽之意也。

○趨庭 論語「鯉趨而過庭」。

○詠絮 謝道韞有子對父遂沿用之。

○詠絮 謝道韞有詩。

◎寄女囑暫緩歸寧

婉女知悉：接九日來函，知汝定期歸寧。○汝母聞之，大爲欣喜。昨聞來人云：汝姑病尙未痊，呻吟床褥，未離藥爐，果爾，則歸寧之行，理當從緩。汝舅既宦游粵西，璞郎又留學海外，姑婦相依，情同母女，定省之事，禮不可廢，湯藥之奉，要在躬親，但博得賢婦之名，則我倆老懷，歡且無量，固不徒以汝戀戀於母家爲私幸也。善事病姑，勿以我爲念，俟其康復後，徐徐請命。堂上再定行期，切勿率爾抽身，是爲至囑！

九月十六日父書

○歸寧 詩經「歸寧父母」，指女子既嫁而言。

○定省 晉定晨省，事親之禮也。

三 母子類

◎報告考試及格

母親大人膝下自別

慈顏，忽已逾月，孺慕之懷，時繞夢寐，雖每奉家書常報平安，究不審福體康泰否也？兒雖立志不大，讀書無多，功名利祿之懷，尙能淡薄，此次來京應文官考試，無非尊重國家考試制度之意，且值畢業之後，一試所學如何耳，昨日揭曉，兒幸獲取，非以區區自喜，恐勞

懸盼，特此告慰。惟匡華表兄學問文章，均爲兒所佩服，此次竟爾受屈，同爲扼腕，兒尤未免有能母汗顏。之感，此又考試有幸無幸之一證也。兒擬俟諸事就緒，即行離京回里，客中一切順適，幸釋

慈念。重肅叡敏

兒學愚謹上十月廿二日

福安。

○汗顏唐文宗時，劉蕡應賢良對策，蕡極言宦寺禍國，考官不敢取，李邵曰：「劉蕡下第，我輩登科，能毋汗顏乎。」

◎報告旅行安適

母親大人慈鑒自叩別

尊顏後，卽偕外子乘輪抵寧，盤桓十日，所有名勝游覽殆遍，旋乘京滬車抵滬，又勾留三四日，乃循滬杭甬道直達杭州，一路平安，堪慰。

慈注此行也，有山水足供游賞，有古蹟可資憑眺，且天公做美，有清和之氣，無風雨之苦，女則憑欄作畫，增則撫圖詠詩，○甚覺快慰，昔人每以出門爲苦，今則交通便利，各種設備日趨周全，轉覺其較跼蹐○一室爲暢適也，惟不克隨侍吾母同游，俾一賞六橋三竺之勝爲悵悵耳。專此馳稟，恭叩

福安。

女詠雪謹上四月十二日

○撫圖詠詩題詠也

○跔蹐厚，不敢不躋，意謂局促不伸也。

◎報告兒女婚嫁情形

母親大人慈鑒，敬稟者自違慈顏，忽已數年，眷念之懷，無時或釋。長男福保，畢業高中，年將弱冠，刻有媒妁介紹多人，女頗屬意於鄭家之女，係師範畢業，學藝頗精，品性亦極溫厚，以語長男，似已默許，不審

大人以爲何如？次女霞仙現亦有人求聘，係女婿同學何君之子，兩家關係頗深，相距亦近，過從殆無虛日，兩小無猜，素形親密，女婿極力慇懃，女意微嫌其家有富貴氣，尙未確定，特此奉告

大人，祈爲裁決，一經確定，則男婚女嫁擬即於今年內草草了之，女素多病，得新婦入門，或亦可少減煩勞也。如何務乞卽日

諭知爲禱專敏

福安。

女蟾芬謹肅八月十日

○兩小無猜言兒女幼稚，不知防閑避忌也。不

◎報告生子

母親大人膝下：自春間歸省，承

延醫診察，斷爲孕象，拜別

慈顏。○後僅一上書，非敢懶也，飲食不思，精神倦怠，行動時少，坐臥時多，月初呱呱墮地，幸舉一雄。○舅姑雖多兒媳，而得孫尙爲首次，均甚欣然，小叔以得做叔父而喜，小姑娘以得做姑母而喜，一庭之內，喜氣充盈。女自分娩後，頓覺輕快舒適，俟天氣晴和，當着人恭迓。

福輿，一試啼聲。○之如何也。謹此奉聞，恭啟

喜安。

女鳴秋謹上十一月十二日

○慈顏謂父母顏色也，張萬頃詩：「宦游偏不樂，長爲憶慈顏。」

○舉雄生亦謂之舉，雄

○試啼聲嬰兒啼聲洪大者

○試啼聲爲貴壽之徵。

◎稟告出洋遊學

母親大人慈鑒前奉
手諭知已安抵杭州，

父親政務雖繁精神彌健殊慰孺慕茲敬陳者女自畢業歸來忽逾兩載業不加進，
學日益荒頗思遠涉重洋藉以開拓胸襟增長學識。日前綺芬姊來爲言秋初赴
美女益覺寸心怦怦。○綺芬學問高深性情溫和倘得聯袂偕行可收切磋之益
而免寂寥之苦務希

大人轉商 父親允予上進，
賜函明示以便準備一切屆時道出滬江自應來杭叩別

慈顏，並求訓誨也。專肅敬敏

福安。

女紹秋謹稟七月八日

○憤心動也。○聯袂偕行猶言攜手同行也。

◎報告入紅十字會爲護醫

母親大人慈鑒：女畢業後，本思回里，藉慰
倚閭之望，○適此間紅十字會招考護醫，幸已錄取，入會服務，不克抽身，甚罪甚罪。
女分屬裙釵，頗懷壯志，原擬從軍效命疆場，○恐違
母意，因卽作罷，但不爲良將，當爲良醫，體

慈母之志，存救人之心，女之用意在此，蓋世方多難，殺伐相尋，災禍頻仍，何地蔑有，
不有愷悌慈祥之手，莫救呼號酸楚之災，女本愛清潔而惡穢濁，今則腥膿汚血，視
作尋常，人方犧牲奮鬪以救同胞，我何忍漠然恝置，不爲拯救，故雖應接靡暇，尙覺

樂此不疲，吾

母固夙抱救世主義者，知必邀
嘉許也。專此瀆陳，敬啟

頤安。

女墨君謹上九月二日

不虞。」
而備其

曰倚閣之望

見國策「王孫賈母曰：汝朝出而晚來，則吾倚門而望，暮出而不還，則吾倚閣而望，」言望子之切也。

○疆場

國境也，左傳「疆場之事，慎守其一

◎陳述姑嫜虐待情形

母親大人膝下：兩次上書，諒蒙

賜覽，迄今未奉

諭言，望眼欲穿矣。女自離

膝下，漸識做人之難，尤領略做媳婦之難，初猶感覺不安，繼且無形軟化，辱罵呵斥，

視爲固然。女未嫁時，女壻已攖肺疾，來歸後，每逢病發，姑大人卽謂係不祥之婦所致，不亦冤哉。女自問頗盡婦職，侍奉湯藥，幾廢眠食，乃衣履整潔，則斥爲妖形浪態，設或敝服毀容，則又厲色詛咒，女今日處境，實覺啼笑都非，本不願瑣瑣瀆陳，重傷

慈念，惟隱忍不言，又覺耿耿在胸，不吐不快耳。迴腸百結，忍痛直陳，惟吾母曲加愛憐，而援之以手則幸矣！重肅敬叩

金安。

◎陳述夫君粗暴

母親大人尊鑒憶別

慈容，倏逾三載，思歸未得，悵恨何如。女子歸黃氏，雖本父母之命，媒妁之言，卽雙方亦時相往還，實取得兩造之同意，縱非佳耦，要異孽緣，乃女壻自去秋大病，頓改常

女兆麟謹稟七月三日

態變靜穆爲叫囂，易和平爲暴戾。若以爲神經有病，則事親能孝，對子能慈，待族黨鄉人亦彬彬有禮。惟一覲女面，卽厲氣逼人，怒不可遏。時相親暱，則詆爲狐媚之姿，偶示莊嚴，則斥爲冰霜之面。[○]擁茲雞肋，常飽尊拳。[○]以致寢不能安，食不知味，白

晝則飾歡佯笑，深宵則飲泣吞聲，誠不難撒手塵緣，脫離濁世。惟念吾

母春秋已高，若遭慘痛，益促生機，則女雖死且負不孝之罪，故不忍出此末策，未識

吾

母其將何以教我乎？臨書悲憤，不盡依依。[○]專此敬請

福安。

女慧英謹上五月十五日

[○]冰霜之面 謂容色冷酷

^{不溫和也。}

[○]雞肋尊拳

^{劉伶嘗醉，座中俗士攘袂揮拳相向，}

^{伶徐曰：}

^{雞肋安足以奉尊拳，}

^{遂止。}

[○]依依

^{不忍}

^{舍之}

•貌

◎報告被匪情形

母親大人膝下：兩年以來，久疏寧省。○音問亦稀，非疏忽也。此間陷於匪力圍匝之下，言語動作，俱不自由，稍失檢點，即遭屠殺，朝夕惴惴，偷生苟免，至今思之，不寒而慄。今幸大軍雲集，元惡○就擒，陰霾豁然，重見天日，不久得有重覩。

親顏之望，欣幸何極。當被困時，日啖粃糠，衣不蔽體，稍形完美，指爲富豪，敲扑壓迫，無所不至。家有遠人，指爲外奸，如或出境，慮洩機密，均在不赦之列。女家老幼男女，幸免浩劫，依然無恙，堪慰。

慈注。專此，恭叩

懿安。

女家鳳謹上
四月廿五日

○寧省謂歸寧定。○元惡大惡也，卽巨匪之意，書經「元惡大憝」。

◎寄子囑力學敦品保身

蓉兒覽悉：每次來書，均甚草草，余頗爲疑慮。汝父寄書，常洋洋千言，諄諄訓導，汝果

深切領悟否耶。現汝父遠行，政務紛繁，或無暇多寫信。茲就我所知者約略言之一。
一曰力學，學記云，學如不及，猶恐失之。昌黎云，業精於勤，荒於嬉，故學而不力，則徒有循誦之名而無研求之實，不足以言學也。二曰敦品，有學無品，猶木高無本，故對於品行一層，尤宜注意，或有虧良知，或有玷名譽，縱不衾影增慚，亦當神明內疚，無品之學，雖學如不學也。三曰保身，精神乃事業之本，身體爲精神之源，人不保重其身體，則百凡無所附麗，危險孰甚，閒思雜慮，則耗其神，恣情聲色，則搖其精，喜怒無常，則傷其氣，所當隨時儆戒，遇事克制，此保身之道也。言盡於此，不再多述，深願吾兒其三復思之！

四月十六日母手書

◎寄子囑勿浪費

華兒知悉，連接來書，均以寄款事，詞意迫切，頗爲詫疑。本期用費，似已如數寄去，胡

尙亟亟若此也，頗聞汝在外廣交游，喜揮霍，無論錢以濟急，何可浪費，且汝父逝後，百度艱難，特以學業重要，未便中輟，亦安所得錢供揮霍也。憶汝父就學南京時，正當南洋勸業會^一開幕之際，繁華熱鬧，盛極一時，每學期用費，僅入學時攜二十餘元，便爲已足，雖時代不同，情形各別，而生活程度相差斷不至在十五倍以上，汝方爲學生，已養成浪用無度之習，將來服務社會將何以善其後耶？汝父嘗誦賢而多財，則損其志，愚而多財，則益其過之句，故所有不動產，多已捐作公益及慈善機關，勉爲撙節，方足維持，否則不堪設想矣。汝細思之，毋忽！

十一月廿三日母諭

○南洋勸業會清宣統年間設於南京，各省有館，陳列種種物品，所以提倡實業也。

◎諭子寄款接濟家用

帛兒覽悉，連寄三函，僅得一信，前又發告急書，計程回信亦早日可達，真望眼欲

穿矣自汝離家忽已半載俯仰之資○將安恃乎哺乳需費讀書需費應酬需費以及家常日用無往而不需費雖極力撙節到處移挪今已無法可設豈汝一出門便忘家中景況耶聞汝現就之事月入可二百金豈置全家老弱於不顧而徒供個人之揮霍耶凡人立身行事固不宜太沾滯亦未許太虛浮人雖在外家中事要當隨時體察計畫方爲周詳寄款之事決不容緩其數或一百或數十可不拘也余身尚健媳及諸孫亦好勿念!

六月七日母示

○告急書

軍事乞援曰告急凡緊急情形之書信亦稱之。

○俯仰之資

謂仰事父母俯畜妻子之費用也。

○寄子囑夫婦宜和睦

南兒閱悉頃孟君來知汝營業甚佳老懷大慰惟汝夫婦不睦時常齟齬○又未免懸懸也自汝父棄世汝乃挈眷遠行我寧不念祇以繼承父業理所當然今經營尙

稱得法，而家室反爾失和，我孑然一身，舉目無親，真覺千里迢遙，寸心如結矣。大凡夫婦相處百年，不似路柳牆花，聚散無常，但得互相諒解，自可收互相匡助之功，和氣致祥，興家可卜，婉媳謹愿，或嫌其太拘，汝性疏懶，或失之過放，汝兩人應自知其短，互效其長，幸勿固執成見，誤會日深，變佳耦爲怨仇，^②自貽伊戚^③也。明春天氣和暖時，或當前來一視，汝有暇來接否，接信卽回數行爲盼！

十二月九日母手示

○齟齬齒相抵觸也。○佳耦怨仇佳偶曰配，怨耦曰仇，見左傳。○自貽伊戚見詩經，謂自卽二角之意。

○諭女敬事舅姑

冰蘭收閱惠嫂來云：前日曾過汝家，因聞勃谿^①之聲，匆匆退出，余聞訊之下，大爲不樂。汝在家時，習聞禮教，對於親上敬長，尤爲訓誨諄諄，豈一到人家作婦，便拋置

齒後耶？意我初爲歸時，依姑如母，姑亦撫余若女，翁則以男女內外之別，雖無事父

之親而其尊敬殆髣髴焉。況少壯爲人婦，老卽爲人姑，今日不敬其姑，將來欲責其婦之必敬於我，安可得乎？特此告誡，幸熟思之，慎毋再蹈非禮也！卽問近好。

六月七日母示

○勃谿莊子「室無空虛，則姑婦勃谿，」勃谿，反戾也，卽姑婦不和諧而相爭嚷也。

○諭女愛護前妻子女

秀英吾女詳閱前接來函，知以余病爲念，余病已痊，毋庸汝念，我深以汝做新婦做繼母不易爲念也。聞端履前夫人遺子年方五歲，頗聰慧，汝應善視之，雖非己出，猶已出也。且聞人言渠伉儷間甚契合，夫人亦讀書明大義，彼必眷眷舊侶，汝應體念，不要妬忌其所遺子女，特加愛護，亦是人情，若表示不滿，令渠隱痛在心，必致大傷情感，實非夫婦敦睦之道也。該兒甚幼稚，汝能愛憐他，彼必奉汝爲母，況汝日後生子，齒皆較穉，有此兄顧復之，亦大佳事，汝頗敏慧，應熟思之！

母氏手書三月十四日

◎諭女和睦戚族

芸蘭吾兒知悉：自汝遭嫁，余甚懸懸，因汝平素驕縱，爲婦殆非易易也。頃楊媽來云：汝夫婦尙能相愛敬，翁姑亦獎許知禮，爲之一慰。惟聞對於族人不甚接近，親戚過從，亦不樂與周旋，此誠有欠圓到，大非所宜，族人雖有親疏遠近之分，但由親及疏，由近及遠，總宜按其差等，分別接待，若漠然不相聞問，豈非笑話，即在戚誼，亦應殷殷款接，以敦睦誼，斷不可視同泛泛，不加敬禮，倘汝漫不經心，則知汝者謂汝疏忽，不知汝者謂汝驕矜，甚非處世做人之道也。專函佈達，汝宜三思順詢，近好。

母氏手書 九月廿七日

◎諭女善視傭僕

蕙女知悉陳媽來詢知汝家諸事順適汝身體亦好惟對於婢僕不稍假借偶有過失非打卽罵聞狀之下甚爲不安我家不用婢僕力主自動汝家情形不同我亦何能干涉且汝身體不健兒女又多用人一層殆成事勢上之必要不過待僕之道宜和不宜厲宜寬不宜刻他好要優待他他不好要憐恕他因憶陶淵明遣一僮伴其子而附以書云此亦人子也當善視之古人家訓對於傭僕有句云他不如你誠不如你他若如你那服事你均屬至理名言每逢動氣時只須默誦此數語必能幡然轉念心氣和平矣汝宜細心體察經過若干時寄我一書據實報告我便知汝究能聽教否也此囑

汝姑處代我問安。

母手示一月廿四日

◎諭女切戒奢華

靜女覽悉前接來函謂暑假前必須匯寄百元方可敷衍閱覽之餘甚爲疑訝日前

敦姪來，據云汝舉動閑綽，服飾麗都，殊出意外。余素主儉樸，力戒奢華，況國難方殷，物力維艱，安得以有用之金錢；作無謂之浪費，汝當青年，尤宜切戒！今政府提倡新生活，主張清潔整齊，簡單樸素，實有至理。必需之款，當酌量寄來，汝宜安心讀書，保重身體，幸勿隨俗浮沈，致爲旁人訕笑也。是所至囑，千萬勿忘！

母示五月六日

◎諭女允婚

慧珠如面前四舅來，爲汝談婚事一節，當以門第人才俱屬相當，曾經函告，久未得復，昨秀珍來此代答，約有三點：一對方爲舊家，二未受大學教育，三經濟力有限，聆悉之下，深覺汝讀書無多，胸襟不廣也，茲分條言之：汝以彼爲舊家，得勿以其累代簪纓？已成過去門第耶？不知新舊云者在精神，不在形式，舊家豈盡在擯棄之列耶？汝以未入大學爲不滿，豈以大學生皆資深學邃人乎？若謂經濟力有限，尤爲可

笑，相媚不擇富里巷婦女猶能言之，汝乃鄙俚若是耶？據我之意，柳生雖世祿餘蔭，
尙能守禮性，又溫厚，於汝似覺相宜，足謀畢生幸福矣。慎毋自誤，望卽寄覆爲要！

母手示三月四日

○累代簪纓簪纓，貴者之冠飾也。

○世祿餘蔭世祿，世代仕宦之家也。

四 兄弟類

○寄兄請嚴切管教子姪

大哥賜鑒：錦兄應召來川，聚譚累日，因悉吾家子弟，多不自愛，或出入衙署，或武
斷鄉曲，○至於行爲不檢，遭人鄙棄者，尤時有所聞，聆悉之餘，憤慨何極，吾
哥襟懷寬大，心氣和平，對於子弟素主放任，以活潑其天機，弟則慮有流弊，故在家
時力主管束嚴謹，兒姪輩都親近吾
哥而對弟獨畏憚者，其明徵也。惟出入衙署，易惹愆尤，武斷鄉曲，便招誹謗，若以弟

廁身黨政，倚勢凌人，尤足敗壞家聲，貽羞父兄，務祈吾
哥面示訓戒，嚴加約束，使恣肆者改過自新，謹飭者益知就範，此乃弟所日夕禱祝
者也。專此奉達，祇頌

近安。

弟壽齡上言五月一日

○武斷鄉曲謂橫行鄉
里也。

◎寄兄報告家庭狀況

二哥尊鑒前奉

手書，知旅況安善，甚慰懷思。惟吾

哥以烽煙○不靖，夢繞家山，拳拳○老母幼兒，難安寢饋，兄誠篤於天性，弟何敢
妄贊一辭，惟恐因念生憂，因憂成病，海天萬里，孤客何堪，曾約略稟告，堂上亦甚
不以爲然。茲謹將家庭實在情況略爲吾

哥陳之吾鄉匪勢本甚披猖，村落被陷者數次，我家遷避較早，全部入城，絕未受擾。母親舊恙未發，精神尚佳，常與諸姨往來，禮佛誦經，怡然自得。鈞姪雖幼小，甚聰慧，與熙兒同起居同玩耍，絕無乖忤。弟婦亦尙能善視之。總之，母固我兩人之母，兄子亦猶子也。務希吾

哥寬懷勿念。轉眼學成歸國，歡聚之日方長。迂憇之言，惟乞亮贊爲幸。專此奉覆，敬頌

旅安。

弟學禮謹上三月十八日

◎寄兄報告胞姪勦匪失利

達哥尊右師抵黎川，得建姪并岡山之耗，痛恨之餘，據實電達，事後思之，殊覺冒昧，此種消息，不將使老母聞知耶？建姪早失怙恃，○爲大母○所撫育，故諸孫中惟

○烽煙謂兵禍也，歐陽修詩「威行四境」 烽煙斷，響入千山號令傳。○ ○拳拳懇至之意，漢書 不勝拳拳。○

此子最受鍾愛，衰年遇變，能勿傷痛，不審吾哥曾注意及此不以實告否？如能隱祕最佳，否則亦須詳加勸慰，善爲取譬，務使老人眠食如恆，不妨健康，是爲至要。現在各部隊漸次到達，不日下令合圍，弟當奮勇先登，手擒大憝，以慰建姪忠烈之靈，萬一亦遭失敗，則惟有相從於地下，我輩投身軍旅，生死問題自當置之度外，惟衰齡老母全賴吾哥始終維護之，是所切禱。專此，敬請

侍安。

弟祖德謹上十月廿六日

○怙恃詩經「無父何怙，無母何恃，」

○大母謂祖母也。

◎寄兄請營業勿事擴張

執哥賜鑒頃奉

尊函，誦悉吾

哥以營業不佳，擬增加資本，藉圖發展，用意之善，能不拜嘉。惟默察社會情形，實有不能不鮓鮓。○過慮者，年來水火刀兵，災害頻仍，逃亡轉徙，不遑終日，農村破產，已瀕絕境，蓋已陷於經濟總崩潰之時期矣。縱增加資本，減輕利率，物如何美，價如何廉，其如民衆救死不贍，實無購買力何？故就弟管見，我店營業以逐漸減縮為佳。若再從事鋪張，務為擴大，則將來事實與希望必適得其反，徒遺後悔而已。骨鯁在喉，
○不吐不快，尙祈吾

哥迅賜裁奪，早定大計為幸。專覆，敬頌

籌安。

弟家楣謹啓八月二日

○鮓鮓 憂懼貌，見漢書。 ○骨鯁在喉 人有言卽思發表，難於隱忍也。

吉弟青及前接來函，悉諸事安善，甚慰。惟入法校肄業一層，兄意不甚贊同，

因國人普通心理都趨於做官一途，以爲既佔便宜，又獲榮譽，國事敗壞，此爲總因，吾弟豈亦未能免俗耶。兄意弟年齡正輕，體格又強，當蔚爲社會國家之用，不應爲個人名利之圖，似以投考航空學校爲宜，蓋世界大勢，趨重空軍，救亡圖存，航空最要，吾國處此內憂外患重重壓迫之際，知識份子若不速醒迷夢，抖擻精神，犧牲個人以利國家，則前途殆未可樂觀也。至希吾弟速將置身仕途之慾望立即打銷，投考航空學校，藉償救國夙願，幸甚幸甚。專此佈臆，順詢近佳。

兄希閔手啓九月五日

附復書

大哥尊鑒頃奉

手教，知不以弟研習法律爲然，並極言國人迷信做官之弊，慷慨激昂，敬佩良殷。惟弟學法之動機，並無求官之意，特以社會紛囂，人心詭變，所以強爲裁制，毋任越軌者，惟恃法律而已。古人有言：讀書萬卷不讀

律致君堯舜終無術，弟雖不敢追蹤古人，而必以習法之目的，惟在陞官發財，容或未必然也。航空救國，呼聲如雷，弟非不知，今又承吾

哥指示，甚善甚感，但弟體格並不強壯，目力又弱，縱然投考，亦難錄取，且據微見言之，報國途徑甚多，亦不必人人皆飛行家也，吾

哥以爲然否，更祈明以教我，實所企禱。專復，敬頤

教安。

弟希顏謹言九月十七日

◎囑弟專心向學

瑞弟大鑒：許久不得來書，甚爲懸懸，昨有人自北平來，詢知吾弟流連繁華，拋荒學業，殊覺失望，但不敢以告吾

母，恐重傷老人之心也。吾家自曾祖以來，敦品勵學，爲一邑矜式。[○]先父遭逢世變，艱苦備嘗，乃命兄改營貨殖，[○]以濟困窮，令弟讀書，以承世業，先父不祿，汝

在童年彌留^③之言，哽咽酸惻，讀書毋怠，寧或忘之，故年來家用雖從撙節^④而求學之費，不少斬惜^⑤。蓋所以體先人遺志，亦藉以補兄之缺憾也，不謂一履紛華，便傷浮薄，毀身敗名，莫此爲甚。吾父在天之靈，痛何如之？弟試清夜捫心，能毋愧悔交併也耶？專此告誠，並盼示復順詢。

學社。

兄祥麟手啓九月二十六日

○矜式崇仰也，卽尊重之意。○貨殖經營商業也。○彌留謂臨終時也。○撙節儉省也。○斬惜卽吝惜之意。

○寄弟囑善侍母疾

映弟如握夏初染病，得弟扶掖登車，遂返故里，固歷歷如昨日事也。弟回校後，

兄又病臥月餘，母親日夕護持，不稍疏懈，兄以詩紀事，有二句云：劇憐阿母劬勞甚，白髮新添又幾莖，蓋寫實也。頃聞母親舊恙復發，甚爲懸念，亟思歸家省視，適當試驗期間，未便請假，甚望弟侍奉殷勤，毋稍疏忽，且母親病在肝氣，尤當柔